



## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎՃՌԱԲԵԿ ԴԱՏԱՐԱՆԻ ԱՇԽԱՏԱԿԱԶՄ

375010 ք. Երևան, Վ. Սարգսյան 5, հեռ. 51-17-27

№ ԴԴ - 6 Ղ - 8398  
«ՉԵ» ղեկտեմբերի 2012թ.

թիվ ԵԿԴ /3047/02/11

«ՀԵԼՍԻՆՔՅԱՆ ՔԱՂԱՔԱՑԻԱԿԱՆ ԱՍԱՄԲԼԵԱՅԻ  
ՎԱՆԱԶՈՐԻ ԳՐԱՍԵՆՅԱԿ» ՀԱՍԱՐԱԿԱԿԱՆ  
ԿԱԶՄԱԿԵՐՊՈՒԹՅԱՆԸ  
(ՀՀ Լոռու մարզ ք. Վանաձոր Տիգրան Մեծի 59)

Ուղարկվում է ըստ հայցի «Հելսինկյան Քաղաքացիական Ասամբլեայի Վանաձորի գրասենյակ» հասարակական կազմակերպության ընդդեմ Վլադիմիր Գասպարյանի՝ զրպարտության միջոցով գործարար համբավին պատճառված վնասի հատուցման պահանջի մասին, քաղաքացիական գործով ՀՀ Վճռաբեկ դատարանի քաղաքացիական և վարչական պալատի 19.12.2012 թվականի «Վճռաբեկ բողոքը վերադարձնելու մասին» որոշումը: Միաժամանակ վերադարձվում է Ձեր վճռաբեկ բողոքը, փստային անդորրագրերը, պետական տուրքի վճարման օրդերը և կից փաստաթղթերը «17» թերթից:

ԴԱՏԱՎՈՐԻ ԱՎԱԳ ՕԳՆԱԿԱՆ՝

Բ. ԽԱՉԱՏՐՅԱՆ



## ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

### ՎՃՌԱԲԵԿ ԴԱՏԱՐԱՆ

ՀՀ վերաքննիչ քաղաքացիական  
դատարանի որոշում

Քաղաքացիական գործ թիվ ԵԿԴ/3047/02/11  
2012թ.

Քաղաքացիական գործ թիվ ԵԿԴ/3047/02/11  
Նախագահող դատավոր՝ Լ. Գրիգորյան  
Դատավորներ՝ Գ. Մատինյան  
Ա. Թումանյան

### ՈՐՈՇՈՒՄ

#### ՎՃՌԱԲԵԿ ԲՈՂՈՔԸ ՎԵՐԱԴԱՐՁՆԵԼՈՒ ՄԱՍԻՆ

«19» դեկտեմբերի 2012թ.

ք. Երևան

Հայաստանի Հանրապետության վճռաբեկ դատարանի քաղաքացիական  
և վարչական պալատը (այսուհետ՝ վճռաբեկ դատարան),

*նախագահությամբ  
մասնակցությամբ դատավորներ*

Ե. ԽՈՒՆԴԿԱՐՅԱՆԻ  
Տ. ՊԵՏՐՈՍՅԱՆԻ  
Վ. ԱԲԵԼՅԱՆԻ  
Ս. ԱՆՏՈՆՅԱՆԻ  
Վ. ԱՎԱՆԵՍՅԱՆԻ  
Ա. ԲԱՐՍԵՂՅԱՆԻ  
Մ. ԴՐՄԵՅԱՆԻ  
Գ. ՀԱԿՈԲՅԱՆԻ  
Է. ՀԱՅՐԻՅԱՆԻ  
Ե. ՍՈՂՈՍՈՆՅԱՆԻ



քննարկելով ըստ հայցի «Հելսինկյան Քաղաքացիական Ասամբլեայի Վանաձորի գրասենյակ» հասարակական կազմակերպության (այսուհետ՝ Կազմակերպություն) ընդդեմ Վլադիմիր Գասպարյանի՝ գրպարտության միջոցով գործարար համբավին պատճառված վնասի հատուցման պահանջի մասին, քաղաքացիական գործով ՀՀ վերաքննիչ քաղաքացիական դատարանի 17.10.2012 թվականի որոշման դեմ Կազմակերպության բերած վճռաբեկ բողոքը քննության ընդունելու հարցը,

**Պ Ա Ր Ձ Ե Ց**

Դիմելով դատարան՝ Կազմակերպությունը պահանջել է ՀՀ կառավարության շենքի դիմաց բողոքի ակցիա կազմակերպած ՀՀ զինված ուժերում որդիներ կորցրած մայրերին և Կազմակերպությանը վիրավորանք հասցնելու համար Վլադիմիր Գասպարյանին

պարտավորեցնել լրատվական նույն միջոցով հրապարակայնորեն ներողություն խնդրել և հերքել զրպարտություն համարվող փաստացի տվյալները, հոգուտ Կազմակերպության բնագանձել 10 (տասը) ՀՀ դրամ՝ բնագանձումը տարածելով նրա գույքի վրա:

Երևանի Կենտրոն և Նորք-Մարաշ վարչական շրջանների ընդհանուր իրավասության դատարանի (այսուհետ՝ Դատարան) 20.07.2012 թվականի վճռով հայցը՝ Կազմակերպության պատվին և արժանապատվությանը, ՀՀ զինված ուժերում որդիներ կորցրած մայրերին վիրավորանք հասցնելու պահանջների մասով կարճվել է: Մնացած մասով հայցը մերժվել է:

ՀՀ վերաքննիչ քաղաքացիական դատարանի (այսուհետ՝ Վերաքննիչ դատարան) 17.10.2012 թվականի որոշմամբ Կազմակերպության վերաքննիչ բողոքը մերժվել է, և Դատարանի 20.07.2012 թվականի վճիռը թողնվել է օրինական ուժի մեջ:

Սույն գործով վճռաբեկ բողոք է ներկայացրել Կազմակերպությունը՝ պահանջելով բեկանել Վերաքննիչ դատարանի 17.10.2012 թվականի որոշումը և այն փոփոխել՝ հայցը բավարարել:

Վճռաբեկ դատարանը, քննարկելով վճռաբեկ բողոքը քննության ընդունելու հարցը, գտնում է, որ բողոքը ենթակա է վերադարձման հետևյալ պատճառաբանությամբ.

ՀՀ քաղաքացիական դատավարության օրենսգրքի 233-րդ հոդվածի 1-ին կետի 1-ին ենթակետի համաձայն՝ վճռաբեկ բողոքը վերադարձվում է, եթե վճռաբեկ բողոքը չի համապատասխանում նույն օրենսգրքի 231-րդ հոդվածի և 234-րդ հոդվածի 1-ին կետի պահանջներին:

ՀՀ քաղաքացիական դատավարության օրենսգրքի 226-րդ հոդվածի համաձայն՝ վճռաբեկ բողոք բերելու հիմքերն են դատական սխալը՝ նյութական կամ դատավարական իրավունքի այնպիսի խախտումը, որը կարող էր ազդել գործի ելքի վրա, նոր երևան եկած կամ նոր հանգամանքները:

ՀՀ քաղաքացիական դատավարության օրենսգրքի 231-րդ հոդվածի 1-ին կետի 4-րդ և 5-րդ ենթակետերի համաձայն՝ վճռաբեկ բողոքում պետք է նշվեն բողոք բերած անձի պահանջը՝ օրենքների, այլ իրավական ակտերի վկայակոչմամբ և նշում այն մասին, թե նյութական կամ դատավարական իրավունքի որ նորմերն են խախտվել կամ սխալ կիրառվել, և դրանց հիմնավորումները, կամ որոնք են նոր երևան եկած կամ նոր հանգամանքների հետևանքով գործի վերանայման հիմքերը, նույն օրենսգրքի 234-րդ հոդվածի 1-ին կետի որևէ ենթակետի հիմնավորումները:

ՀՀ քաղաքացիական դատավարության օրենսգրքի 234-րդ հոդվածի 1-ին կետի համաձայն՝ վճռաբեկ դատարանը բողոքն ընդունում է քննության, եթե վճռաբեկ դատարանի կարծիքով բողոքում հիմնավորված է, որ բողոքում բարձրացված հարցի վերաբերյալ վճռաբեկ դատարանի որոշումը կարող է էական նշանակություն ունենալ օրենքի միատեսակ կիրառության համար, կամ վերանայվող դատական ակտն առերևույթ հակասում է վճռաբեկ դատարանի նախկինում ընդունած որոշումներին, կամ ստորադաս դատարանի կողմից թույլ է տրված առերևույթ դատական սխալ, առկա է նոր երևան եկած կամ նոր հանգամանք:

Վերլուծելով բողոքը բերած անձի փաստարկները՝ Վճռաբեկ դատարանը գտնում է, որ դրանք բավարար չեն եզրահանգելու, որ առկա է ՀՀ քաղաքացիական դատավարության օրենսգրքի 226-րդ հոդվածի 1-ին կետով նախատեսված՝ գործի ելքի վրա ազդած դատական սխալ՝ նյութական կամ դատավարական իրավունքի խախտում: Հետևաբար բերված բողոքում ՀՀ քաղաքացիական դատավարության օրենսգրքի 234-րդ հոդվածի 1-ին կետի 3-րդ ենթակետով նախատեսված հիմքը հիմնավորված չէ:



Նման պայմաններում Վճռաբեկ դատարանը գտնում է, որ վճռաբեկ բողոքը չի համապատասխանում ՀՀ քաղաքացիական դատավարության օրենսգրքի 231-րդ հոդվածի 1-ին կետի 4-րդ և 5-րդ ենթակետերի և 234-րդ հոդվածի 1-ին կետի պահանջներին: Հետևաբար, ՀՀ քաղաքացիական դատավարության օրենսգրքի 233-րդ հոդվածի 1-ին կետի 1-ին ենթակետի պահանջին համապատասխան, այն ենթակա է վերադարձման:


Հաշվի առնելով վերը շարադրված հիմնավորումները և ղեկավարվելով ՀՀ քաղաքացիական դատավարության օրենսգրքի 231-րդ, 233-րդ և 234-րդ հոդվածներով՝ Վճռաբեկ դատարանը


**Ո Ր Ո Շ Ե Ց**

1. Վերադարձնել թիվ ԵԿԴ/3047/02/11 քաղաքացիական գործով ՀՀ վերաքննիչ քաղաքացիական դատարանի 17.10.2012 թվականի որոշման դեմ «Հելսինկյան Քաղաքացիական Ասամբլեայի Վանաձորի գրասենյակ» հասարակական կազմակերպության բերած վճռաբեկ բողոքը:

2. Որոշումն օրինական ուժի մեջ է մտնում կայացման պահից և ենթակա չէ բողոքարկման:


Ն ա ի ն գ ա հ ո ղ  
Դ ա տ ա վ ո թ ը ն եր

  
Ս. ՊԵՏՐՈՍՅԱՆ

  
Վ. ԱՔԵԼՅԱՆ


  
Ս. ԱՆՏՈՆՅԱՆ

  
Վ. ԱՎԱԼԵՍՅԱՆ

  
Ա. ԲԱԴԱԼՅԱՆ

  
Ս. ԴՐՄԵՅԱՆ

  
Գ. ՀԱԿՈԲՅԱՆ

  
Է. ՀԱՅՐԻՅԱՆ

  
Ե. ՍՈՂՈՍՈՆՅԱՆ

